



Daxgoeng:
Mwngz ndei!

Aen ciet daxmeh
couh yaek daengz lo,
gyoengq doengzhag cungj aeu mbaw
gajceij caijsaek daeuj guh mbaw
hohgaj soengq hawj daxmeh swheij,
hoeng, mbaw hohgaj gou dwg soengq
hawj mwngz. Daxgoeng, mwngz
gvensim gou, ciuqgoq gou, gou caen

Sij Fung Saenq Ndeu Hawj "Daxmeh"

写给“妈妈”的一封信

武鸣县太平镇庆乐小学三年级 黄盈瑞

siengj got mwngz ndaetndaet dwk
heuh mwngz "daxmeh" sing ndeu.

Geiqndaej ngoenzseng gou
haenx, dinglingz aenmbwn mbouj
couh, fwnhung doeksasa, ndawsim gou
ngeix: "Gij fwn doek baenz yienghneix
haenq, aen dangauh ngoenzseng gou
haengjdingh mbouj ndaej cawx lo!"
Gou youq gwnz laeuz daihsing hemq:
"Goeng ha, cawx dangauh mbouj
caengz?" Gou daengj haujlai naih,
cungj mbouj dingqnyi mwngz han
coenz ndeu. Gou youh ngeix: "Seizneix
gaenq dwg banhaemh lo, daxgoeng
itdingh youh bae laeng lauxdoengz
de gwn laeuj lo, caen dwgcaengz!"
Fwnhung dingz lo, gyoengq doengz-

doih gou daeuj lo, gou naj
raezrangrang, bak soemsuetsuet dwk
naeuz: "Dauqma ba, ngoenzneix gou
mbouj gvaq ngoenzseng lo!" Gangj
dwk gangj dwk, raemxda couh conh
okdaeuj sadsad. Gyoengq baengzyoux
naeuz: "Suisui, mbouj youqgaenj,
raeuz ciengq diuzgo 《Go Ngoenzseng》
hawj mwngz dingq." Gou daej oksing
dwk naeuz: "Ciengq go miz gijmaz
yungh?" Mbouj rox mwngz seizlawz
byaij hwnj laeuz daeuj, riuhaha dwk
naeuz: "Yo! Gvaq ngoenzseng lij daej?"
Gou yinx haeuj laeng mwngz bae,
daihsing swenj naeuz: "Mwngz lo,
mwngz mbouj cawx dangauh hawj
gou!"

Mwngz gvaqdaeuj gaem fwngz
gou daiq gou daengz bakcauq, vix
haeuj aen binghsiengh bae naeuz: "Hai
binghsiengh yawjyawj." Gou baez hai
aendou binghsiengh, va, aen dangauh
ndaw binghsiengh youh hung youh
gyaeu, gou sim'angq dangqmaz! Dax-
goeng, mwngz riu dwk lumhlumh
aen'gyaeuj gou naeuz: "Suisui raeuz
youh majhung bi ndeu lo!"

Daxgoeng, mwngz doiq gou
yienghhaenx ndei, gou itdingh dingq-
vah, ndeindei hagsib. Daxgoeng,
daengz gou majhung le, gou yaek
roengzrengz guhhong, ndeindei ciuq-
goq mwngz, hawj mwngz ngoenzngoengz
miz noh gwn, miz laeuj ndumq.

Daxgoeng, gou gyaenz mwngz!

Bouxlan mwngz: Vangz Yingzsui

xx nienz xxnyied xx hauh
(指导老师: 黄春菊 韦春明)

"Bouxdoih" Ndei Gou

我的好“伙伴”

武鸣县仙湖镇中桥小学五(1)班 李晨曦

Ngamq hwnj sam nienzgaep ngoenz
daih'it, daxmeh couh cawx gonj gangbit
gyaeundeideu hawj gou.

Gangbit ndang daenj buhhoengz,
cungqgyang cung diuz saiwhet henjgim ndeu,
gwnz saiwhet veh duz roeglwg ndeu, de aj
bak dwk, lumj cingq doiq gou naeuz:
"Bouxcawj iq, bouxcawj iq, mwngz itdingh
yaek sij cih ndei lo!"

Hai supbit, couh yawjraen bakbit
soemsetset haenx ndongrikrik, maeg hom
daj bakbit iemq okdaeuj. Baenq hai
ndangbit, cijraen diuz guenj unqnemnem,
haenx couh dwg aen dungx de. Danghnaeuz
de dungx iek lo, couh dingz guhhong, yungh
hengzdoengh daezsingj gou: "Bouxcawj iq,
hawj gou gwn yinliu ba!" Yienghneix gou
yungh song lwgfwngz nep aen dungx de,
dawz gyauejbit cuengq haeuj ndaw
bingzmaeg bae, caiq soeng fwngz, mbat nep
mbat soeng, de "gudung gudung" gwn imq
lo, youh laebdaeb mbouj lau dwgrengz
mbouj lau vunz ienq dwk bang gou sij cih.

Gangbit bang gou haujlai haujlai. De
hawj cozyez gou ndaej haujlai baez youhsiu;
hawj gou gaujsi ndaej bak faen baez dem
baez. Gou gig docih de, hix gig insik de.
Baeznaengz sij sat le, gou cungj gibseiz
daep supbit, lauhei q mbouj siujsim bungq
de vaih lo. Mbouj guhhong seiz, de couh
cwxcwx caihcaih ninz youq ndaw habbit
gou, caeuj gou ngumh mbouj liz ngauez.

O, gonj gangbit gou ceiq gyaenz,
bouxdoih ceiq ndei gou!


(指导老师: 潘红玲)



Daengq Sou Sujgyaj Haeujsim Ancienz

暑假安全小提醒

Gyoengq doengzhag, youh daengz sujgyaj lo, bouxbien daxheiz youq neix daengq
daihgya, sujgyaj guh'angq seiz, aeu haeujsim ancienz bw!



Gaej
youq
gwnz
maxloh
guh'angq


Gaej youq giz ci lai buet bae buet dauq
guh'angq, gvaq maxloh seiz haeujsim yawj
miz mbouj miz ci hai gvaqdaeuj, gaej ciengj
buet gvaq dangqnaj hei qci.



Gaej iu doengzdoih bae dah
apraemx, danghnaeuz deng caem mbouj
miz vunz rox gouq couh daimingh lo.



Youq ranz sawjyung gyadienh aeu
haeujsim, haeuj ranzsaeuq dajcawj seiz mbouj
ndaej lizhai ranzsaeuq ok rog guhcaemz, mienx
ndaej oksaeh.



Haeuj ndoeng bae seiz, gaej
dawz feiz diemj feiz, mienx ndaej feiz
remj ndoeng remj bo cauxbaenz
sonjsaet hung.